

南
田
山
志

地7324
55.92



蕭田山
卷十
卷

古杭王禔篆



民國二十
二年十一月
間復高物

序

詩定之方中傳述大夫之九能曰山川能說鄭志謂有兩讀或言說者說其形勢也或言述者述其故事也周禮地官土訓掌道地圖以詔地事道地憲以辨地物誦訓掌道方志以詔觀事掌道方憲以知地俗凡此皆後世地志之所由昉也顧後世地志中有別爲山志者凡於山川名勝卽一卷之石一勺之水鋪張揚厲演而爲書其所流連贊歎者皆輯前人游覽之詩若文以充實之連篇累牘一望茅葦豈古之所謂山川能說者固如是哉處州青田縣南有南田山其地山水絕勝有瀑布數十丈俗名百丈澗游人見

南田山志

序

者皆謂勝雁蕩之大龍湫外人之游於是者嘗攝影以歸謂爲中國第三瀑布余友劉君祝羣居于其地嘗攝山中勝景製圖十二見贈暇又編纂山志體例一依地志頗有合於周官鄭志所言之旨至其敘述名勝約而不夸豈非能知體要者哉南田舊有富錢諸族今稍式微而劉族後起特盛自明文成以來代有聞者祝羣於其顯著可考者旣甄採而靡遺而其幽隱不彰者必鈎稽而表著之嘗慨青田縣志造端卽已簡略厥後踵事增修年代悠遠遂多堙沒自非生于其地耳目聞見有所依據安從而弋獲之是書之成裨益於續修縣志者非尠矣阮文達謂各郡縣數十里中有



人載筆以志其事則郡縣志可不勞而成不信然歟顧祝羣之爲是書於人文之消長風俗之淳漓尤三致意人物旣列爲傳其著述雖或不傳必存其目一二遺文有可甄錄者必摭入文徵風土詳志禮俗於叢載之末附列祠堂耆壽兩表又以見民族之興衰人壽之長短各有遠近使覽者有所感奮焉則此志爲不虛作矣余旣衰朽學識謏陋祝羣顧不鄙余以所作見示余何能匡君萬一惟有玩繹欽歎爲書數語簡端以發其作書旨趣云民國二十四年七月平陽劉紹寬

序

青田劉祝羣先生犁眉公二十世孫也以石門舊有公讀書堂哀題詠錄以表章之以南田爲公降誕之地輯山談以彙揭之既復推廣其意創爲南田山志分門十析目三十六首敍例以發凡萃文徵爲後殿某山某水則介弟卓羣爲圖以輔之蓋自南田顯名當世以來未能或之先作焉夫環青皆山也茲山在縣南萬峯之巔爲峻極而絕巘之上乃有沃壤百里平疇千頃錫名南田實符斯義昔儀徵劉師培氏嘗曰皇古之初洪水氾濫波與峯齊及水落石出山露四周崖石低窪以瀦蓄水故昆侖之巔厥有龍池以

南田山志

序

三

是推之則茲山也殆亦初經洪水之沖激其巖石峭突處浸漬剝蝕化爲泥土厥後水落而原隰成生民聚處則阡陌闢揆所由來其甚邃遠也歟自道書有第四福地之說於是乎南田之地靈始見宋明之間富錢蔣劉代爲箸姓於是乎南田之人傑間出顧數百年來括蒼圖牒紀焉弗詳遺事湮墜里俗相傳或多承譌又以僻邑窮鄉四方轍跡偶爾一經徒采其聲而未竟其實惟先生俛仰家山縱窺橫覽凡珍聞之散諸載籍私譜奇蹟之隱於榛莽蒿萊恒人耳目所未及者罔弗包舉囊括箸錄於斯編今而後方聞周覽之士來游觀者固不難按圖說以盡探其蘊閱務博洽者亦

藉臥遊爲研討之資於是乎南田之地靈與人傑不益相映而大彰於天下後世哉古人云名山待人以傳名人亦往往待山以傳不信然耶延釗竊憶光緒辛丑之歲先生嘗至瑞安以鳧渚林先生之介來見先君子並假玉海樓藏書以校刊易齋盤谷二集遇疑滯則質問先君子爲之解釋先生因請箸弟子籍先君子不可而手篆好學深思心知其意八字以貽之曰君如潛研國學執是語以求諸經籍自能獨闢治涂奚必姝姝暖暖守一先生之言至若博涉世界學術則尤宜廣求師資於海內外矣會溫處道湘南童公檄選留日學生先君子遂以先生薦比先生學成歸國將赴

南田山志

序

四

東督趙次帥之招取道永嘉於是先君子主兩郡教育而平陽劉厚莊丈監督溫之中校方謀興革甚力乃留先生任講席旋兼溫處學務處編輯時丙午丁未間也先君子既歿同志四散延釗藐孤失學不克負荷楹書以視先生自少至老孜孜焉以誦芬述德爲懷遠紹旁搜爲事者賢不肖相判深用內媿故彼此之間蹤跡竟疏略今歲先生寫定山志忽辱遠道賜書承示例目屬爲之敝意若以爲孺子尙可與言文字者延釗得書惶悚累日遲之又久未能下筆然復重違先生之命厚莊丈且每以見督乃勉綴數言而附箸家世舊聞於其後以答先生與厚莊丈睠念故人子弟而

不遺葑菲之意所冀進而教之爾若擬爲元晏之敍三都則余豈
敢乙亥八月幾望瑞安孫延釗謹敍於永嘉之籀園

南田山志

序

五

南田山志序例

南田山名早見道書計其廣輪東西六十里南北逾五十里人煙稠密聚處成都是名山而兼鎮集惟地處偏隅唐代以前諸無可紀逮乎宋世富錢蔣三族始著元明之際劉氏乃顯邑乘所載缺略未詳茲特廣爲搜羅勒成山志以附於山川能說之義略仿方志體例編列門目曰山水村里風土建置人物選舉列女經籍古蹟叢載凡十門而以文徵繫於後

山水 方志首輿地必詳其疆域與沿革山壤一隅無所謂沿革可紀者惟山水耳敍山水而疆域見矣故以冠篇就全山之四境南田山志 序例 一 溫州翰墨林承印 以中爲主此山海經例也循是而北接景壤沐鶴溪界之南盡於百丈漈而水入瑞境東指萬阜口西迄浯溪皆盡於水出山九嶺水繞四麓其界限固天然也山尋其脈水溯其源全境之形勢瞭然矣若夫危峯奇瀑未遑枚舉惟略見一二而已

方志橋梁多別爲一目閱者茫然于其所在且又挂一漏萬今以橋梁列敍水下以橋皆通水水所經過之地而橋梁附見焉其建橋年月有款識者備錄之亦古蹟所係也

村里 山境之內一村一落星羅棋布皆可具舉然三五煙家無關故實惟擇其鄉村之最著可見滄桑變遷之跡氏族興衰之况

者錄之其間疆里之遠近道路之交通則皆宜詳也

郵亭爲行人駐足之所便民甚鉅乃古亭候之遺制方志於遊覽亭榭多詳紀之郵亭或略而不書失其輕重矣茲以所在郵亭皆附載於道里下亦橋梁附入敘水之例也

風土 民間習尙有地近多同者有山中獨異者今略所同而詳其所獨雖鄙俚之俗必具書之風氣漸開變易益速及今不載後無考矣土產之物舉其特有者著之

建置 關於國家制度之建置山中惟一南田防汛清乾隆間早經裁去倉廩亦已久廢祀典如徐忠勇劉文成忠節之專祠則皆

南田山志

序例

二

溫州翰墨林承印

朝命設立可視爲國家制度建置之一端其他前代之書院近年之學校皆人民建置也茲以專祠書院學校三者彙入此門寺觀別屬宗教原與建置無關惟其創立肇自唐代規制獨闕廢址故基尤所在多有可見名山僧占象教之力宏也是編不另立目姑附於此專祠之後並載德政各祠從其類也科舉之世士子多祀文昌有書院與文昌閣混合爲一者亦一時崇尙故併及之

人物 山中舊族富錢二氏號稱最古蔣劉徐次之邑志人物徐氏一人蔣氏二人富見選舉志者二人錢則皆無之劉以誠意之顯去古未遠祖孫父子紀載較詳然宋元之世錢武肅之玄孫富

韓公之高祖蔣中丞之嫡裔考其家乘歌聚於斯邱墓俱在子孫
濟濟人才輩出行狀傳誌出自通人非可僞託而皆不見之邑志
悠悠古人佚者多矣推原其故邑志創於明景泰間葉仕甯書僅
四卷陳中州嘉靖志曰分野輿地典常藝文亦僅四門張皇輔康
熙志序云兩志皆體裁簡略畎不盈寸寥寥紀載概可見矣富錢
蔣三族明代式微山居尤僻清初耿亂故家流離私乘所紀搜求
不及康熙志故遂多放失吳楚椿乾隆續志惟詳都圖其時去明
季未遠以劉楷父子之忠孝而不著一字遑論其他邑人章楷參
修光緒志嘗謂當日採訪不周引爲恨事今求其事蹟確有考證

南田山志

序例

三

溫州翰墨林承印

者悉爲纂列若年代不詳事蹟無考別錄其人附選舉後

選舉 富應高咸淳四年鄉貢進士里居邱墓皆在山中家乘傳
誌明確可稽邑志佚之其以他途入仕佚者尤不乏人是編分科
目薦辟兩目截至清代爲止更仿平陽志通籍廣記例凡以他途
入仕而事蹟年代未詳者彙列其人以備參考自科舉旣廢凡由
專門學校以上畢業在宣統三年前者雖其歷官在民國改元後
亦併詳之

列女 方志羅列女行孝貞節烈實所最重其中則以節婦爲多
惟其含冰茹蘖秉德貞恆初無奇節異行最易堙滅不彰邑乘所

載元明兩代籍隸山中者僅得三人其佚可知矣是編悉依縣志原纂若縣志僅載姓氏不詳里居無從考證其爲山中者雖或漏列而縣志具在其守節在光緒志以後者皆爲補入
經籍 山中作述劉誠意父子祖孫獨爲最多餘則散佚無存今依撰者之時代次其先後其書佚者存其目以待訪求
古蹟 金石文字爲古蹟所最重以考證故實大有助也山中金石絕無僅有今於前修里居及邱墓所在可起後人桑梓之敬者皆以古蹟概之坊表亦隸焉

南田山志

序例

四

溫州翰墨林承印

籍舊物之屬紀則無多削之足惜皆彙於是祠堂耆壽二表亦附焉

文徵 文辭採錄以可徵山中人與事及地者爲限故雖犁眉覆瓿之宏富僅錄一賦一詩富偉松竹梅賦無關故實惟山人著作最爲早出吉光片羽不可使佚也盤谷之詩甄錄獨多以見當日唱和之盛時人近作本無採錄之例擇其有關人事可信今而傳後者間爲選存惟其徵不惟其文也山水村里建置古蹟中或系以前人題詠者便省覽也其建設緣起與歲月之記載分系其事之下者備稽考也非爲自亂其例

方志藝文分編內外山中一隅同邑卽屬於外今於山中人著作
詳其里居其餘注明邑人或某縣人則內外可見矣

南田山志

序例

五

溫州翰墨林承印

南田山志目錄

卷首

序

序例

圖

卷一

山水

紋山

紋水

橋梁附

卷二

村里

鄉村

道里

郵亭附

南田山志

目錄

卷三

風土

氣候
禮俗

氏族
莠習

職業
善舉

民風
物產

歲時

卷四

建置

祠祀

書院

學校

寺觀附

卷五

人物

唐

宋

元

明

清

卷六

選舉

科目

薦辟

通籍廣記

學校畢業

卷七

列女 元明清

卷八

經籍 元明清

卷九

古蹟 金石 名蹟 古墓 坊表

卷十

叢載 掌故 備考 遺聞 辨誤 舊籍
故物 祠堂表 者壽表

卷十一

文徵 誥表序記

南田山志

目錄

二

溫州翰墨林承印

卷十二

文徵 書 跋 傳 贊

卷十三

文徵 碑銘 墓誌 祭文 哀辭

卷十四

文徵 賦 銘 詩 樂府

曩者壬申七月造啓後亭於亢五峯東麓石柱巖下既成
思所以餉客者因錄山中之名勝人物古蹟及我族之家
世大略榻檠四壁聊博一覽復以活字印之曰南田山談

便客取攜繼而悔焉以山中雖僻左徵文考獻果若是其
鈔耶阮文達公有云使各郡縣數十里中皆有一人載筆
以志其事則郡縣之志可不勞而成吾邑修志屢議輒沮
嘗於光緒志補遺校正各得若干事多有關於山中者咫
聞尺見願貢方來今就天然四界之家山草創是編深慙
簡陋無當大雅之一噓惟如文達所云數十里中記載其
事而已某山某水親履其地爲圖以助之者則從弟立也
中華民國二十四年乙亥春月南田山人劉燿東祝羣

南田山志

目錄

三

溫州翰墨林承印

南田山志卷一

劉耀東祝羣

山水 紋山 紋水

紋山

南田山青田縣西南百五十里周迴二百餘里上有沃土多稻田

歲旱亦稔唐廣德中袁晁之亂邑人多避難於此顧祖禹方輿紀要古稱

七十二福地南田山居其一劉誠意族居此山古今圖書集成職方典山脈

北起大龍源蜿蜒南行十餘里至石圃山

石圃山實測高出海平線計一八四公尺以下仿此縣亘二十里山頂皆石故名北部

南田山志

卷一 山水

之巔有湖方廣數畝湖中有九石像龜名九龜塘西面山頂〇一二

巨石稠疊形狀奇怪

石圃山之東麓名西陵劉廙遊西陵絕頂歌君不見鶴溪上南

上有百里皆平田謝公屐齒所不到古稱福地東海關又云漢

相盤桓又不至西陵一峯最奇絕俯視衆山高且尊山下古寺

唐所建由來至今八百餘年岐國湯公宋丞相讀書隱曾留連

嗟余性僻愛山水三月望日成躋攀呼朋命友作遊具務欲極

者矮笛兩吹爭先照中晉公圓頂師子憩息久提壺挈榼幽

自是文學彥醉來握筆能詩篇留連古寺憩息久提壺挈榼幽

斧琢鑿巍由天然諸賓列坐事修禊舉觴泛水依流連况有地主

出迎客房借禪楊雪堂侍者來相延為烹筍蕨復供具諸賓浩